

清苑馮辰纂
武進惲鶴生訂

李恕谷先生年譜

後學

蠡縣 齊樹楷
博野 劉慎德
蠡縣 齊樹楷
博野 劉慎德
全校

清苑馮辰纂
武進惲鶴生訂

李恕谷先生年譜

後學

齊縣 齊櫪林
蠡縣 齊樹楷
博野 劉慎德
全校

李恕谷

年譜

北平四存學會出版書目摘要

書目	著作者	書目	著作者	書目	著作者
顏李叢書	顏元	春秋傳註	李塉	大學辨業	李塉
四存編	顏元	論語傳註	李塉	小學稽業	李塉
習齋言行錄	顏元	學庸傳註	李塉	恕谷中庸請語	李塉
習齋年譜	王源	學庸論語傳註問	李塉	習齋記餘鈔略	李塉
恕谷年譜	馮辰	恕谷詩集	李塉	女範淑烈集	鍾錢
習齋記餘	顏元	擬太平策	李塉	左傳評	王源
四書正誤	顏元	忘編	李塉	孟子評	王源
禮文手鈔	顏元	恕谷後集	李塉	鄉社條約	鍾淑
關異錄	顏元	樂錄	李塉	顏李學	徐世昌
朱子語類評	顏元	學射錄	李塉	顏氏學記	戴望
習齋偶興	顏元	平書訂	李塉	近三百年學術史	顏李學部
闕書鄒視	李塉	評乙古文	李塉	顏李自修指義	齊樹楷
四考辨	李塉	學禮	李塉	顏李文鈔	齊樹楷
周易傳註	李塉	論學	李塉		
詩經傳註	李塉	聖經學規	李塉		



李恕谷先生遺像

李恕谷先生年譜序

庚寅歲春二月先生西遊秦。託辰教其子。遂命爲之修年譜。辰受命。按先生從顏習齋遊。所立日譜輯錄。抵是年五十有二歲。成帙若干卷。先生自秦歸。或謂先生耄矣。不宜生前修年譜。辰思年譜猶日譜耳。日譜記功過。以策勵習行。年譜何獨不然。歷不有初。鮮克有終。言始易而終難也。始易終難。則愈宜有所策矣。先生年始衰。而穉少壯時功。之几案。滿於目側。有不戰兢惕厲。以振其後。俾其學如一日者耶。况我輩在門下者。多畏難苟安。今先生垂訓。少壯精進如此。有不勃然奮勉。求步其後塵者耶。且不獨吾黨。四海之內。久沉溺於宋明之虛。以致議論。衆行少。而純法孔孟。踐履篤實者。惟見於習齋先生一人。恐其信之猶未堅也。今再見此模範。以爲吾輩學行。與習齋若合符節。而其修明禮樂。謀畫經濟。更有以補習齋所未及爲者。則豁然悟。崛起矣。揚子之波。設洪船以拯溺。高其幟。招招其音。非長年之好名也。其情急也。苟有志之士。聞風共振。則聖道立興。雖孔孟在天之靈。亦必欲我先生之年譜及時流布也。修之烏容緩哉。

康熙歲次壬辰孟夏穀旦。樊輿門人馮辰頓首拜撰。

李恕谷先生年譜

序

凡例

- 一、先生年譜自庚申七月以後皆採之日譜以前則本之辰所素聞於先生者
- 一、顏先生每歎先儒黨同伐異虛學欺世故先生昔爲之修譜功過並錄一字不爲饒飾以守習齋之教也今辰譜先生敢不直書况又承先生面命
- 一、大德大節固必書至於悔過遷善正所以勉強進德也亦詳載不避重複其次辨學論道者必錄若夫講經論史俱備載他種著作此祇記其大旨
- 一、先生親師取友互相責善乃生平所資以進德修業者也書之
- 一、先生交遊下世者各附小傳以傳

馮辰識

李恕谷先生年譜

凡例

李恕谷先生年譜卷一

清苑馮 辰纂

武進惲鶴生訂

孫鎔重加修訂

己亥順治十六年閏三月二十四日卯時先生生

先生姓李諱堪字剛主號恕谷始祖諱進忠本小興州人明初遷北直隸保定府蠡縣西曹家臺歷六世至高祖諱運雄偉剛直賊劉六劉七作亂肆掠過門見其與弟還制挺轟然也不敢入曾祖諱應試號鵬菴縣學生員多長者行祖諱綵字素先剛直仁厚好施與父諱明性字洞初號晦夫則海內所稱孝慈先生者也嫡母同鄉耆德馬公女生母易州世襲錦衣衛指揮馬公女時孝慈先生奉素先翁居蠡城篤志潛修孝慈有文云予年強四始立長子命乳名曰四友期之以疏附先後之儔也祇歲入學更名曰堪恭欲其謙士欲其實也

庚子二歲

辛丑三歲

壬寅康熙元年四歲

孝愨先生抱提。口授孝經古詩。及內則少儀。素先翁彎小弓引之學射。

癸卯五歲

甲辰六歲

乙巳七歲

丙午八歲

入小學。孝愨先生教學幼儀。讀經書。

丁未九歲

戊申十年

己酉十一歲

二月。素先翁壽八十七歲卒。孝愨先生率先生入曹家最居。一以便省父墓。一以父葬後。兄節白公迎母居鄉。便侍養也。當素先翁彌留時。指溺壺使節白公用。節白公躊躇。先生旁語曰。父去。不能讀父之書。手澤存焉耳。同從兄萃生等學。見他人作文。隱搆一首。萃生見之。質於孝愨。卽從順。自此遂作文。

庚戌十二歲

辛亥十三歲

壬子十四歲

新歲祖母吳安人壽八十八歲卒。

癸丑十五歲

是年節白公命孝懋先生及三先生餘初公析居歲底娶王氏遂與其兄法乾交論學甚驩法乾嘗謂顏先生曰吾近捐兄近狂李妹夫乃近中行也。

甲寅十六歲

乙卯十七歲

先生內子王氏卒附葬村東祖兆王孺人有順德後先生爲立傳曰亡妻王氏名至順同邑生員王翁蘊奇女翁寬仁夙德其長子養粹閑家人以禮故亡妻家教最嫻女經略上口十六歲歸予長予一歲儀容端好善事嫡母委折能得母心事予敬而順三年無一忤言婉孌若不勝食者食常減每夫婦歡對輒泣曰佳夫婦恐不能偕老也惡其語呵之比歡如故已而果得勞疾謂其母曰吾家貧萬語舅姑

薄葬我。遂卒于康熙十四年十二月二十八日。爲十八歲。贊曰。妻卒後。知妻之賢。良有以也。世有以新昏而忘故者。然乎哉。然乎哉。予學道者也。豈以苟奉倩自處。而順德不可忘矣。今亡已十三年矣。夫剛主氏爲之傳。

孺人未于歸時。有糧數石。王翁遣車送至。孝慈先生曰。令女在。未聞有此也。則君家物耳。請載歸。翁曰。亡女爲李氏之鬼。其遺物豈王氏之物哉。必不可歸。孝慈受之。

丙辰十八歲

孝慈先生以弟餘初翁及其子圻相繼逝。率先生入城居。經理其孤寡。自此費出不給。產日落。先生時病。然未嘗廢讀。先生嘗言。吾少年讀書強記。四五過始成誦。比時同學者多如此。而予迺後閱書幾萬卷者。好故也。故學祇在好。不在質高。又曰。人知學之美。而不知問之益。海內賢喆。窮年所學者。吾一問而得之。其益豈不大哉。生平處事。必再四問辯然後行。

丁巳十九歲

娶馬氏。孝慈先生謂王翁蘊奇曰。壻則猶是也。而君女亡矣。俗以壻繼娶爲續女。歸寧。猶男女之別。非禮也。壻宜往來。壻繼娶不可往來。王翁然之。學院吳公國對歲考。進縣學生員第一名。吳公深喜先

生文開雕行世。先生前爲縣令。畢公所識拔。及入庠。畢公知其貧。將以事周之。令一誣者來求闕說。孝慈迎謂曰。汝誤來矣。吾家從無關說射利者。出之。

戊午二十歲

科考一等。當補廩。謀之習齋先生。先生曰。補廩有與書辦陋規。是以賄進也。不可。乃辭不補。

己未二十一歲

孝慈先生命先生經理孤從姪振銳家務。偕先生嫡母及二弟壻返鄉。留先生生母在城。撫三弟培。四弟埏。從先生學。五弟壻方二歲。在母懷。邢臺李毅武來訂交。時聞顏習齋先生爲聖人之學。因同訪於賈子一塾。習齋謂先生曰。尊君老成簡默。僕學之而未能。內方外和。僕學之而未能。夫學問富於胸中。而視之若一愚人。豈人所能及耶。足下歸求庭訓可也。先生自此深以習齋學習六藝爲是。遂却八比。專正學。交劉見田。學數。纂求孝集。輯經書言孝之禮。及昔賢與孝慈行孝之事。以自勉也。某友以先生貧。代先生向捕廳言一事。得數金。與先生。先生不受。

庚申二十二歲

先生以力田不足養親。兼習醫。賣藥。每朔望前一日。薄暮。步二十五里。至鄉省父母安。味爽起。四拜。卽

返城拜生母。五月往謁習齋先生教以學曲禮。七月開習齋賣側事往諫曰。先生正名買側爲媒所欺。可出不可賣。今使媒轉賣是我又使之欺人也。習齋以年將老立嗣事迫媒還原銀以圖再買。意難之。先生曰。改過不畏難也。畏難則過不改矣。先生爲千百世之人而畏難乎。習齋汗流被面曰。近累目瘡昏則情愔愈昏。承教敢不改。因下拜。先生亦拜曰。成湯改過不吝。漢高從諫如轉環。先生既是鄙言。願朝聞夕行。習齋曰。何待夕飯畢。卽同如蠡結此事耳。先生服習齋改過之勇。躍然志氣若增。益效習齋立日記自考。自此日始。習齋至蠡出原銀十九兩與媒贖石氏女出之其父。先生謂習齋曰。所行幾微不能告人。卽不願言。言有纖悉迴護。卽不願行。不能告人。卽爲苟且。迴護卽爲文過。苟且則近利。文過則作僞。乃高談聖賢則驚名。義利誠僞名實君子小人之分途也。習齋曰。然。先生又曰。朋友責善。規過當嚴。然對人亦當爲賢者稍隱。恐人曰。夫夫學道者也。尙爾。我何責焉。是沮之也。習齋曰。否。是結一鄉原黨也。是自是非自非。改過自改過。何不可青天白日者。况後學有志耶。聞人得失。自可法戒。無志耶。日陳堯舜於前。無所用之。作日譜凡例。一以習六藝爲學。日有常工。不備書。一身之過惡直書。一孝之難也。日訂求孝。往往悖越得罪。必書。一記不書人過。若他人言行有可法。則書之。一言行纖悉不書。有關身得失者必書。孝慈書。日譜額曰。須莊敬不息。表裡如一。赴人席有酒肉。惻然不忍食。

以歲凶養親不能常備也。大風重陰。侍孝慤飲酒歡歌。習算法有所得。則質於見田。張自天遭繼母變。先生謂之曰。父母有一分不慈。卽子有一分不孝。自天曰。辱言願直受之。曰。未也。古云。父母怒之。不作於意。不見於色。深受其罪。便可哀可憐。上也不作意。見色次也。曰。次則非至善矣。吾行合道而不得於親。卽爲非道。自怨自艾。如無所歸。故曰深受。其狀可掬也。若但如不見不聞。孟子所謂恕矣疏矣。非孝也。又曰。愛令母所生之弟。是轉移一樞機也。今人兄弟不和。一曰責望。人責友寬而兄弟刻。以其親也。不知親則愈不可刻矣。一曰較利。曰均子也。何偏受其豐。不知天下之偏豐者多矣。能盡與之較乎。而乃忌嫉同氣也。同氣有豐者。不更可喜乎。知此則知去此則仁。聞賣桃動嗜心。旣而曰。一桃之微。可以喪身。止之。謂賈子一曰。人勿與尊長辦理。分卽理也。無分則無理。八月。劉煥章札。規先生慮以下人養氣養量。一日困臥。旋悔曰。安肆日偷。遂起。限味爽卽起。更定乃寢。日二餐。侍孝慈酒食。孝慈曰。我食未嘗過飽。酒不過三杯。讌客則無算。思于中丞。參汙吏。拏衙蠹。禁雜派。端佐貳。可謂錚錚然。養如頒農政。旌力田。禁遊惰。置義倉。練鄉兵。汰冗役。清鹺弊。教如舉逸賢。旌孝弟。選教官。隆鄉約。遏異端。皆可行者。而先生守節不欲自往。建白也。時中丞檄諸生課文。先生辭不往。中丞名成龍。山西人。後諡清端。務農行醫教弟。忿忿日不暇給。或遇疾則靜坐。閏八月二十二日。孝慈初度。

也。稱觴上壽。議客。九月抱病。往北泗會習齋。習齋言先生病在不節飲食。又好記覽。多記損心。又曰。嗜欲之害人不一。飲食之欲爲最下。先生悚然刻心。夜臥思天地間無處無鬼神。人無處可離敬。如此臥也。焉知無神視。無鬼凭。敬耶。神欽鬼歛。肆也。神慢鬼凌。敬肆禍福之機也。奈之何不悚。思害政莫甚於繁文。每日晨謁母及祖先影堂。先聖各一揖。一日以事迫忘之。自罪曰。是心粗。非事迫也。習齋曰。學者勿以轉移之權。委之氣數。一人行之爲學術。衆人從之爲風俗。民之瘼矣。尙忍膜外。先生泣下。謂習齋曰。謂氣質有惡而變化之不可。謂氣質有偏而變化之無不可。存性編所駁。宜酌也。一日納新履小。行遂不莊。歎曰。此不利用也。而卽不能正德。乃知三事缺一。並失其二。擬日譜。每時下一圈。多言則×。圈上×。過急則×。圈下×。有貪利心則×。圈右×。有求名心則×。圈左×。有怠心則×。圈中×。有作僞心則圈上下左右皆×。○。閱儀禮。自勘色溫如心。謫如。思高隱傳名於千古。行義建功於一時難。習齋評先生日譜。教以記事減冗繁而錄大綱。家務減瑣小而惜精力。看書減而讀所現學。習學減而勿貪多。十月立常儀功。習禮。習數。觀周禮。儀禮。禮記。及家禮銓補。讀周易。到藥。教培塿以學。朔望前一日。往鄉省父母安。夙興。率弟堽拜父母各四。使弟培塿亦在城拜生母。拜影堂拜先聖。回城拜生母四拜。影堂每位各四拜。先聖四配各四。受培塿拜各四。答揖。每日盥洗。率培